

左氏百川學海

第三十五冊

○

○

○

○

—

百川學海

士集



疎寮騷畎

韓忠獻公遺事

石林詩話

誠齋揮麈錄

文房四友除授集

法帖釋文

師曠禽經

韓彥直橘錄

端硯譜

牡丹紫厚志



騷略目

卷一

九懷

蒼梧帝 湘夫人

思禹 湘君

越王臺 東皇太一

鴟夷子皮 雲中君

浙水府 少司命

秦遊 東君

江夫人 大司命

東山 河伯

嶧山雨 山鬼

山中楚辭 六

欵乃辭

後欵乃辭

卷二

嶧臺神絃曲 二

花飛引



蓬萊遊二

秋蘭辭少司命

小山叢桂

章華宮對

朝丹霞

幽蘭賦

卷三

水仙花前賦

水仙花後賦

松江蟹舍賦

後長門賦

讀易賦

秋蘭賦

騷略目

騷略卷一

高氏似孫續古

離騷不可學可學者章句也不可學者志也楚山川  
奇草木奇原更奇原人高志高文又高一發乎詞與  
詩三百五文同志同後之人公規襲武摹倣制作言  
卑氣嫚志鬱弗舒無復古人萬一武帝詔漢文章士  
修楚辭大山小山竟不一企况騷乎嗚呼詩亡矣春  
秋不作矣騷亦不可再矣獨不能忘情於騷者非以  
原可悲也獨恨夫騷不及一遇夫子耳使騷在刪詩  
時聖人能遺之乎嗚呼余固不能窺原作猶或知原  
志者輒抱微款妄意抒辭題曰騷略越山川曾識舜  
禹作蒼梧帝作思禹又經句踐君臣作越王臺作鴟

夷子皮吳爲越所滅失於棄胥也作浙水府始皇東  
游以功被石作秦游王謝諸人殊鍾情於越迄爲蒼  
生一起作東山其以德著于殿祠者侑之歌作江夫  
人作嶧山雨命之曰九懷嗚呼後之視今今之視昔  
也知我者騷乎

九懷

望九疑兮雲雨心慘慘兮思君冉冉兮愁痕楚波深  
兮斑竹活歷差我兮極眺訊遐心兮誰將蛟何躍兮  
衝波鴻何驚兮離網湘有蘋兮渚有荃欲將誠兮無  
能宣蒼莽兮何之孰亮余兮嬖娟羽何音兮鏘鏘鳳  
何儀兮濟濟朝騰余軻兮梧陰夕娛兮清澧蹇躊躇  
兮自喜遡清川兮如洗植館兮雲中樹之兮石磊磊



貝闕兮鱗堂雜青楓兮始霜芷路兮蘅薄桂飛檠兮  
蘭房相芰荷兮可衣美秋菊兮曾糧瑤華兮在席江  
有離兮吐芳被薜兮帶蘿表之兮以蘭香暈衆卉兮  
揚徽貯芳辛兮同薰哀絃切兮入雲靈來下兮繽紛  
捐余璫兮中流遺余玦兮北渚儼奉君兮嘉薦乃遺  
余兮芳杜時契闊兮難再聊歌風兮自語

蒼梧帝

湘夫人

攬九州兮余憂民將魚兮誰瘳水受令兮安流交茝  
茝兮方秋老帝力兮茫茫射神魚兮飛舟朝帝君兮  
不下莽故疆兮生埃踏蒼龍兮倏東棲靈游兮故宮  
擢桂棟兮蘭房蕙幃兮荃床翳殘書兮罅鬻香空山  
兮神揚神揚兮何極有人來兮爲之太息濕剋石兮

酒寒隱懷君兮傷惻蓀橈兮挂楫海若兮獻月采水  
碧兮紫淵弄蠙珠兮冰穴無一芳兮可酬心難吐兮  
猶咽砥柱兮湯湯龍門兮阻長事難古兮悲傷迹蒼  
莽兮蹇余以何往朝欲逝兮河津夕濯衣兮西淑花  
漲兮波惡魚鬪兮雲舞沐余冠兮差差濯予璫兮楚  
楚靈心憚兮來下乃遺余兮芳杜玩芳杜兮三嗅時  
不來兮孰與

思禹湘君

草長兮菲菲越山青兮霏微玉在珮兮欲語望故宮  
兮如歸酒闌兮猶香僂流光兮庭幃芳俎進兮蘭藉  
玉鱗寒兮牲肥靈翺兮醉只笙噓雲兮霑衣鼓輕舸  
兮無留月共載兮依依樂莫樂兮知幾哀莫哀兮別

離鷓鴣愁兮忘飛

越王臺 東皇太

江欲冷兮丹楓月將缺兮初鴻天如仄兮沉波楫有  
聲兮追風易莫易兮謀功難莫難兮圖終東山兮誰  
作若斯人兮猶窮水下鷺兮溶溶山插雲兮叢叢叫  
夫君兮不聞拊遺聲兮如空君不來兮誰晤余心憂  
兮冲冲

鷓鴣子皮 雲中君

越山兮青青江波兮噴薄萬里兮長風引驚瀾兮去  
之夫君兮以淵爲期水何爲兮勞苦越山兮升雲江  
水兮未平舉酒兮訊君將與余兮心傾若有人兮颭  
雲旗舞神魚兮踏文螭奏水星兮叫冰夷橫壯氣兮

海爲飛麋臺兮生草言如毛兮人杲杲夕宿兮江臯  
越兵西兮如拉槁一沐浴兮九江水揚波兮淙淙飛  
余橈兮鴈渚舍余璫兮漁缸望美人兮未來心不怡  
兮難降有酒兮如冰呼膾具兮魚龍腥澆磊塊兮洗  
磅礴有老父兮愁偏醒

浙水府少司命

君之來兮鞭潮令冰夷兮毋驕撫余車兮安驅海難  
填兮魂銷龍翼輶兮旣東旌翠昏兮生埃蛟抗刃兮  
波赤嚙霧光兮蓬萊樂莫樂兮佳游哀莫哀兮忘歸  
簫鍾兮鐃鼓吳歌兮楚舞魚飛兮鴈奔君之樂兮俟  
俟憇蹕兮差我陳席兮楚楚撰德兮蒼崖秦夸聲兮  
豪詡騎雜還兮鑿玲瓏窮禹迹兮窺踐宮民如蟹兮

誰能聰海水作兮號魚龍歡未殫兮樂未終金母號  
兮漢旌紅

秦遊 東君

江上兮青山水既去兮復還引微風兮無瀾擢桂漿  
兮閑閑望美人兮來下靈翩翩兮從女臂中流兮揚  
舲鴈邕邕兮遵渚玉衣兮畫裳御清氣兮前青鳳穆  
川后兮靜波湘君遺兮蘭芳行貞兮昭昭璫明兮玉  
娟天門兮爲闢萬夫哀兮惟女賢翠帷下兮沉沉花  
飲露兮陰陰素鱗寒兮不動寄風瑟兮瑤音涉江兮  
采蘋剪綃兮蠲塵奉瑤華兮結辭靈不見兮愁人愁  
人兮柰何目眇眇兮微波路杳靄兮脩長其柰何兮  
夕歌

江夫人 大司命

若有人兮山阿樂莫樂兮在邁絜余珮兮有蘭愜余  
裳兮有蘿凌八荒兮騁望悵山河兮悲壯倒天漢兮  
濯江淮眇風雲兮晤懷竹樹兮冥蒙海月兮朧朧君  
何爲兮山中鴻奔南兮逼輕舟歌聞天兮擊中流氣  
浩浩兮橫九州山冉冉兮生雨水汪汪兮迷浦鳩一  
叫兮花愁期美人兮春渚

東山 河伯

砥蒼崖兮燕危磐枕淵洄兮夏留寒谷懷煙兮川引  
霧出漁鄉兮入樵路屋如懸兮石將危蕩蘭舟兮揚  
桂旗江有蘿兮溪有蓀沙一抹兮雲垂垂耒宜雨兮  
颿宜風香在鑪兮各爲功村醪熟兮春無度水羞香

兮雪登俎晴陰節兮花亂飛老漁歌兮野巫舞靈埃  
樂兮憺忘歸人無忘兮雨而雨維余舟兮歎神關石  
齧齧兮蘿漫漫帷之褰兮風毳急石可憇兮苔痕斑  
潭中人兮夜漁急神魚舞兮陰妃泣報靈君兮千畧  
集水如練兮月冥冥若有絃兮作湘聲舟欲去兮且  
復留耿不寐兮空隱憂

嶧山雨

山鬼

山中楚辭

山中可樂不可說也既釐越一壑多種  
草木多釀酒日與客游不知日之夕西  
時之老也乃輯歌語爲山中楚辭

山如罨兮栖柔煙鳥徘徊兮翠如褰蔭松栢兮牽丹  
泉猿在上兮鶴在前拍浮丘兮延僊僊話坎離兮生  
坤乾問山月兮今何年月得道兮玄之玄

二

月澄午兮收雲嚼鮮芳兮予酒朝列宿兮將舉炯其  
北兮惟斗斡四令兮無情活元氣兮眴眴一壘兮上  
訴思超凡兮辭垢

三

穆東皇兮受命樂山中兮俱春風引樹兮欣欣雨生  
波兮粼粼天有心兮康予朝復朝兮趨新春空勞兮  
又去山青青兮予親

四



若古兮多奇御夏兮高明蹇千山兮在下石吐泉兮  
泠泠采新果兮半熟被踈絺兮全輕非老子兮孰悟  
亦晉人兮予盟風來南兮沈琴棊落落兮爭聲心有  
官兮自玉天相知兮同醒

五

桂樹兮團欒籬菊兮可采石磊磊兮泂荔鴈嗷嗷兮  
離變人心悽兮易涼時令遷兮誰緯攬古昔兮自悵  
視彭殤兮何待吁嗟秋兮不以悲而能輕不以愁而  
爲怠若得意兮騷者酒淋騷兮如海

六

木蔌蔌兮皆冬汎山林兮迎雪匠此妙兮磅礴信天  
人兮豪傑當是時鴈分黯淡之雲花弄扶踈之月酒